

# Yungzsuij Mbanjmyauz Cienz-doengj Minzsuz Yinx Bouxhek

Ndwen 10 ngoenz 4 hanhaemh, Liujcouh Si Yungzsuij Myauzcuz Swciyen Sanglungzgouh Gingjih Mbanjmyauz, gyoengq vunzmbanj ndang daenj buhvaq minzcuz gyaeuget biujyienj Myauzcuz cienzoengj minzsuz hawj bouxhek yawj. Mboengq ngoenzgyaj guekgingq, aen mbanj neix banh aen vanjvei dongfeiz、boq aenvenz、caij din venz daengj baenzdauq minzcuz minzsuz hozdung, gij hozdung lai cungj lai yiengh yinx ndaej bouxhek gak dieg daeuj yawjgonz.

(Danz Gaijhingh/谭凯兴)

► Vunzmbanj biujyienj cezmuuz ndei yawj.



▲ Bouxhek caeuq beixnuengx Yauzcuz itheij diuqfoux.

## Ginhsiu: Minzsuz Hozdung Lai Yiengh Angqyangz Gvaq Gyaj Guekgingq

Ndwen 10 ngoenz 5, gyoengq beixnuengx Yauzcuz Ginhsiu Yauzcuz Swciyen youq vwnzva gvangjangz ndaw yienh banh gij hozdung “ciet goengdaek” bi gvaq baez haenx. Ngoenzhaenx, yienhsingz roq gyong roq laz, vunz lai vunz daih, baenz cien boux vunz Yauzcuz ndang daenj buhvaq minzcuz youq gai yienhsingz cunzyouz, langhbaiz gij vwnzva Yauzcuz gyaeunde lai yiengh, caez gangj fungsou, caez hoh guekgingq、angqyangz gvaq ciet goengdaek, yinx ndaej haujlai bouxhek daeuj yawj.

Yauzcuz “guh goengdaek”, muzdiz dwg sonyinx vunzmbanj ciuq ndawbiengz daudwz funghsang, aeueiq bouxgeq gyaez lwnyey、doxgiet doxbang、gyaez bang bouxwnq, son vunz guh ndei. Vunzlai Yauzcuz dangdieg doenggya camgya “guh goengdaek” hozdung, doxcienz saenqsik, doxgyau gij gingniemh guhhong, guh baengzyoux ndei, swncienz gij vwnzva minzcuz, fatyengz guh ndei, gouzmbaen haeuxgwn fungsou, doenghduz ciengx ndaej lai、gekleiz baenzhoz、youq ndei gwn van.

Seizneix, “ciet goengdaek” Yauzcuz gaenq baenz gij gingjsaek gyaeunde Ginhsiu vwnzva liyouz, binaengz yinx ndaej bouxhek gak dieg daeuj yawj, bangrengz dangdieg liyouz hwngfat caeuq lajmbanj vwnzva saenghwng.

(Gauh Yuzginh/高如金)



## Lungzswng:

### Seizcou Lungzciz Yinx Hek Daeuj

Mboengq ngoenz-gyaj guekgingq, cingq dwg seiz haeuxnaz nazmbaeklae Lungzciz Lungzswng Gak Cuz Swciyen baenz sou, baenz caengz baenz caengz nazmbaeklae haeuxnaz henjrwdrd, ndit ciuq riengzhaeux ronghmyag-myag, ndei yawj dangq-maz, yinx ndaej haujlai bouxhek guek ndaw guek rog daeuj yawj gingjsaek、angqyangz gvaq ngoenz-gyaj guekgingq.

(Banh Cisiengz/潘志祥)



▲ Bouxhek daeuj yawj nazmbaeklae henjrwdrd.

## Sanhgyangh:

### Mbanjdung Vaiz Doxdaemj Hoh Guekgingq



▲ Song duz vaiz vouq diegraiq doxdaemj.

Ndwen 10 ngoenz 2, Sanhgyangh Duncuz Swciyen Duzdung Cin Bahdonz Cunh banh ciet vaiz doxdaemj cienzoengj bi gvaq baez haenx, bet duz vaizdaeg youq laj aen giuzbumz diegraiq dah doxdaemj, yinx ndaej haujlai bouxhek daeuj yawj, caez angqyangz gvaq ngoenzgyaj guekgingq.

(Gungh Bujangh/龚普康)